

>მაჰავატარა ბაბაჯი<

საინტერესო გადმოცემები ბაბაჯის შესახებ.

-ბაბაჯი არის იოგი, რომელის ასაკიც მინიმუმ 200 წელი უნდა იყოს.

-ბაბაჯი არის იოგი, რომელსაც ათწლეულების მანძილზე არ შეცვლია გარეგნობა.

-ბაბაჯი არის იოგი, რომელიც უკვალოდ ჩნდება ხალხის წინ და ასევე უკვალოდ ქრება.

-ბაბაჯი არის იოგი, რომელიც არაერთ სასწაულს ახდენს.

-ბაბაჯი არის აგასტია მუნის მოწაფე.

-ბაბაჯი არის იოგი, რომელმაც საფუძვლიანი ცვლილებები გამოიწვია გამოჩენის შემდეგ რელიგიურ კულუარებში.

-ბაბაჯი არის იოგი, რომელსაც ამბობს, რომ შანკარაჩარიას მისცა ხელდასმა.

-ერთ-ერთი გადმოცემის თანახმად, იესო ინდოეთში ბაბაჯისგან ინიციაციის მისაღებად იყო ჩასული.

ბაბაჯის ფართო მასა იცნობს მას შემდეგ რაც მან თავი განუცხადა ლაჰირი მაჰასაიას 1861 წელს, დაიმოწაფა, მისცა ინიციაცია და დაავალა კრია იოგას გავრცელება. ეს

მოწაფეობრივი ხაზი მთელს მსოფლიოში გავრცელდა და კრია იოგას (სანსკრიტზე სიტყვა იოგა ნიშნავს გზას) სწავლება სულ უფრო და უფრო პოპულარული ხდება. ამას ადასტურებს თუნდაც იოგანანდას პოპულარობა ანდაც სადგურუ, რომელიც კრია იოგას ხაზის განტარია.

მე არ ვიცი და რამდენად შეეფერება სიმართლეს ბაბაჯის გარშემო არსებული ისტორიები თუმცა ის შემოიძლია დანამდვილებით ვთქვა, რომ ის სწავლება რაც ბაბაჯიმ გაავრცელა, ძალიან ახლოს არის და ბევრ ასპექტში იკვეთება მაგიურ სწავლებასთან, ჩვენი მთავარი მიზანი არ უნდა იყოს შაბლონებით და იარლიყებით შემოსაზღვრა, ამიტომ ვთვლი, რომ ეს პოსტი ამ გვერდზე განთავსებას იმსახურებს.

ბაბაჯი დაბადების ზუსტი თარიღი ცნობილი არ არის, თუმცა დაახლოებითი ასაკის გამოთვლას ახერხებენ თქმულებების მიხედვით. ერთი-ერთი ინფორმაციით, ახალშობილს სახელად ნაგარაჯანი (გველების მეფე) დაარქვეს, უცნობია როგორ ატარებდა ბავშვობას, თუმცა არსებობს ორი ვერსია თუ როგორ დატოვა ბაბაჯიმ მშობლების სახლი, პირველი ვერსიით იგი თავისი ნებით შეუერთდა მოგზაური ასკეტების ჯგუფს, მეორე ვერსიით იგი ბიძამ გაყიდა მონად, მეპატრონემ მალევე გაათავისუფლა ნაგარაჯანი, რის შემდგომაც, უსახლკარო მოზარდი ასკეტურ ცხოვრებას შეუდგა, მოიარა ინდოეთი. ამ მოგზაურობის პერიოდში სწავლობდა წმიდა წერილებს ხოლო თავის მასწავლებლებს გადმოცემის თანახმად შრი ლანკაზე შეხვდა. მისი პირველი გურუ შრი ლანკაზე იყო სიდჰა ბოგარნადჰარი, ვისი ხელმძღვანელობითაც ბაბაჯი ასრულებდა იოგურ პრაქტიკებს, გურუს რეკომენდაციით გადაწყვიტა კრია იოგას შესწავლა და გახდა აგასტია მუნის, ლეგენდალური იოგის მოსწავლე, რომელმაც გადმოცემის თანახმად იოგა თავად შივასგან ისწავლა.

როგორც ხედავთ ბაბაჯიზე ინფორმაციები ხშირადაა ურთიერთგამომრიცხველი, მე არ ვცდილობ რაიმე დასკვნის გაკეთებას და არც თქვენ გირჩევთ, ფაქტი ერთია, როგორც არ უნდა იყოს და ყოფილიყო, ბაბაჯი არის ძალა და ძალას პატივი უნდა ვცეთ.